

四條院

譚秀仁

十一年

後堀河院第一皇子母藻壁門院

樽子

入道關白道家女

貞永

元年十月四日於閑院受禪

二歲

同日以關白

實教

為攝政同十二月五日於官廳即位嘉禎元年十

月卅日御襖同十一月廿日大嘗會仁治元年正

月五日御元服

貞永一年

寬喜四年四月二日改元

十月廿七日癸卯藏人頭內藏頭有範朝臣被尋

神祇權大副兼直宿祢云石灰壇御拜已前始有

平野祭御襖事如何又賀茂臨時祭相當御表日

貞永一年

之上御即位已前也兩條可計申者兼直申云雖  
 石灰壇御拜以前有本社祭者御襖難默止歟但  
 初度御襖坎日也仁安三年三月御燈御襖憚日  
 次不被行也即位以前臨時祭之時兼久三年十  
 一月廿四日御即位十日可有時議之由申之  
 廿八日甲辰上皇有尊号報書事

十一月二日戊申平野春日等祭也依為坎日無  
 御襖權中納言定家卿召侍從能定於殿上給宣  
 命發遣平野社

九日乙卯上皇御幸始也廂御車

御直衣 奴袴

右大將家嗣

以下供奉攝政扈從

十九日己丑五節舞姬參入御即位以前五節安  
 和保元等例也永觀壽永被止之云々

廿四日庚午當今同胞妹親王宜肯也御名字睦  
 子式部大輔為長卿擇申

廿六日壬申新大納言高實被立伊勢奉幣使被

告申御即位也

道家

廿八日甲戌前關白給兵仗被申拜賀

十二月五日庚辰於太政官廳即位儀也

十二日丁亥攝政叙從一位

廿七日壬寅前關白北政所有准三宮

天福一年

四月十五日改元依代始也

正月一日丙午攝政率諸卿以下上官等被參前關白家有拜禮權右中辨光俊朝臣申次也

二日丁未攝政家有臨時客尊者實氏內府

廿二日丁卯右少弁信盛官掌為繼等下向勢列為

奉迎齋王也

二月五日庚辰齋王入洛

十日乙酉率川祭

今夜子刻一条町前關白家燒亡放火云々

十五日庚寅月蝕不正現法驗之至也

三月七日辛亥今夜群盜乱入鳥羽安樂壽院法華堂搜取銀御塔并種々宝物云々鳥羽院御自令獻給常燈消畢

廿九日癸酉晝有風吹入夜猛也法成寺藥師堂廻廊等顛倒又藻壁門顛倒畢今曉前關白被參春日社保延例云々大風之間奉幣遲引御神樂及曉更春日山樹木等多以顛倒万人驚遽云々

四月三日丁丑中宮職有院号

藻壁門院云々

五日己卯御即位由天神地祇大奉幣也

六日庚辰因幡堂供養云々

十六日庚寅大嘗會因郡卜定也

近江坂田丹波水上

檢校

權大納言通方權中納言伊平參議種尚

行事

悠記右中弁光俊朝臣主基左少弁忠高

十七日辛卯稻荷祭也神主清方依馬上事自院

蒙勘責以權祢宜重長忽被改補了

今夜宇佐勅使矣遣也

女醫博士有式奉仕也

廿日甲午宇佐使自豐嶋驛家歸洛雜事不谷期

難遂前途數日住京云々未曾有事也

廿三日丁酉賀茂祭也上皇召撰政車御見物御

同車也保延二年例云々

廿七日辛丑今日被分進寂勝王經一部於神社

去年為天下平安於禁省被供養

去夜群盜亂入兵部卿成實治部卿親長家云々

天下狼藉也

五月九日癸丑新日吉社小五月會也先是有豫

議

今月御忌月也競馬事可有憚哉御脫屣之後無

神社御幸初臨幸之条如何被問諸卿云々御忌

月有朝覲行幸至孝之禮與敬神之義可被准據

又非御物詣之儀御見物之兩奈不可憚之由人々被量申仍有御幸競馬已下如例

十七日辛酉大嘗會行事所始也悠記左近府主基陰陽察也

廿二日丙寅同行事所移也

廿九日癸酉普賢寺入道基通摸政薨年七終焉之時

各不可有面謁中陰之中不可修佛事之由兼被相定云々

六月十四日丁亥祇園御靈會也少將井神輿自東洞院北行經大炊御門令向列見給昨今内裏

御物忌之間無行幸故歟

十六日己丑前齋宮御發心地令落給御驗者良能律師任少僧都大嘗會以前僧事宜下如何

十七日庚寅有軒廊御卜近日炎旱事也自今日真惠僧正被勤孔雀經御讀經

廿日癸巳前齋宮於持明院殿有立后事是准母后儀也

廿六日己亥炎旱之愁都鄙頻聞神泉御讀經真惠僧正今日結願及九ヶ日子

廿七日庚子申刻雲膚忽起雨脚快降入夜雷鳴

親嚴僧正愛染王法今日及六七日施靈驗貴賤感歎云々仁和寺道深宮同被修此法云々

廿九日壬寅為攘災成功之輩悉可被相任之由有沙汰被行大除目任人及三百人世以驚目

七月十七日今日相国吉田水閣仙院臨幸藻壁門院同臨幸御輿

八月五日丁丑攝政初被入宇縣自九条第被整行粧

廿一日癸巳万機旬也右大臣以下參入九月三日甲辰無御燈之御襖大嘗會年長元以

後度々被行之今度任上古例被止歟

十二日癸丑自去夜女院御產氣云々来月御當月也人以驚云々

十八日己未御產氣日来連々今曉殊物念之間寅刻皇子降誕万人悅豫之處皇子有御事云々

及畫有女院藻壁崩御云々御年廿五上下悲歎言語難及云僧侶云陰陽耻辱此秋也卜筮筭勘以下皆以相違諸道陵夷何事如之

十九日庚申大嘗會延引了

廿四日乙丑右中弁光俊朝臣為遺令使參陣固

關警固事被宣下又諒闇儀也但主上錫紵事有豫議嘉美之度即位以前御別殿當今已成人之禮也仍可召錫紵者

廿九日庚午上皇御幸冷泉油小路亭去十八日

遷幸近衛富小路聊有子細幸彼亭云々

卅日辛未主上

三歲

召錫紵遷御別殿

以弘御所北面為其

所幼主七歲以前無倚廬儀又不召錫紵也然而依憚永萬養和例聊被相違也

今夜藻壁門院凶禮也大嘗會檢校行事并弁奉之糸神慮難測歟

十月四日乙亥盜人等燒穿法勝寺圓堂搜取御佛等云々白川院勅封之後人以不知事也後日檢非違使俊親搦進嫌疑人然而重犯者不見云云

九日庚辰左中弁為經朝臣為行維摩會事下向南都穢中被遣勅使例外記不勘申歟應德賢子中宮御事之時季仲朝臣為勅使參行例云々但別殿之間何可有勅使哉之由有願申人云々十二日癸未主上除錫紵自別殿遷御本殿宮主兼躬奉仕御櫬

十九日庚寅上皇奉為故女院被修五七日御佛  
事來廿二日日次不快仍今修之  
廿七日戊戌公家於法成寺被行御齋會依故女  
院御事也

今日法勝寺圓堂盜人事被告申安樂壽院御墓  
所可為告文歟可為御書歟兼有豫議修理大夫  
資賴朝臣為使被進御書云々長倫卿作之

廿九日庚子藏人宮內權大輔兼高被尋兼直宿  
祢云忌火御飯事外記例雖穢中供之中陰之間  
被止事無所見本官所存之有可注申者兼直申

云穢中供之雖有先規於諒闇時者五旬之間不  
可供歟且貞應二年有沙汰六月止之自十一月  
供之者

十一月一日辛丑今日不供忌火御飯

今日故公修法印可為贈僧正之由被宣下上卿  
權中納言盛兼卿仰右少弁經光

七日丁未故女院御忌日也仍不被立春日祭使  
依應德例當日不被立者

八日戊申春日祭使下向云々平野祭如例杜本  
當宗祭延引午日立使為五旬內之故也



九日己酉梅宮祭也當宗祭可用次支干云々  
十三日癸丑園并韓神祭也五節被停止了依諒  
閣也

十二月十一日辛巳月次神今食延引依本官雜  
穢也

廿四日甲午今夜西寺塔燒亡件塔破壞之後送  
送年序不知修營事云々

廿八日戊戌行幸今出川殿依御方違也幼主椽  
闕腋先規不分明云々然而嘉美記椽由有所見  
云々仍被用歟

文曆一年

十一月五日  
改元

正月一日庚子依諒閣無節會小朝拜院攝政無  
拜禮事上皇元日御藥於諒閣御裝束也御隨身  
著吉服參仕之永萬例也

主上御藥間椽御袍上召生氣御衣云々

二月十四日癸未今日未刻北野宮神殿禮殿小  
社迴廊拂地燒亡火本北方在家也於神輿并御  
正躰等者奉取出朝日寺同燒亡御輿暫御座林  
中入夜奉安宝藏云々餘焰及結政外記廳等然  
而打消了

十六日乙酉於院殿上有北野火事定云々

十七日丙戌於軒廊被下北野火事造假殿可奉

請歟卜云吉廻廊間數字舊跡可滅歟卜云吉

造營事管氏長者大藏卿為長卿給長門因可致

其沙汰之由被仰下了

廿一日庚寅今夜亥刻北野假殿遷宮云々

三月二日庚子今日於前関白家一条有一切經

供養事唐本又等身釈迦像一躰奉関眼七僧法會

六十僧云々

四月八日丙子天王寺執行明順為敵人圓順前執

行被誅云々圓順者長吏官前度寺務之時致狼

籍有其怨者也彼時明順依長吏之訴被處遠流

不隨勅命不赴配所誇張之處長吏還補之後忽

被原免被補執行今及此事未代之法也

五月四日故女院旧院不被萱萑蒲世俗之說終

焉御所不萱云々但建久六条殿萱之嘉兼堀川

院萱之治兼高倉舊院不萱云々

廿日戊午廢帝崩御云々は佐渡院御子御母儀

東一条院也兼久乱逆之後御同所于女院九条

御心勞之外無他御年十七未及御首服也